

Guangjisi Minzcu Bau

ganbbau: CN45-0036 B.2016 Nd.11 Ng.16 liggaueq bingsaen nienz ndwencib cibcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3249期

Hinghbinh Gih Yung H Lai Cungj Banhfap Onjyamq Doicaenh Minzczu Saehnieb

兴宾区多管齐下稳步推进民族事业

Gaenh bi neix daeuj, Namzningz Si Hinghbinh Gih Dangjvej, Cwngfuj laebbaenz laebcaez minzczu guhhong gihci, haiguh senhconz gvancez lozsiz minzczu cwngcwz fapgi, aeu vunz guh goek, cienzmienh doicaenh minzczu gyauyuz veiswng h daengj saehnieb, mboujduenh gyagiengz giekdaej sezsiz hwnjguh, yung h lai cungj banhfap coicaenh minzczu ginghci caeuq gwnzbiengz youh ndei youh vaiq hwnghat.

Aeu vunz guh goek, haenqrenz gunnganq siujsoq minzczu ganbu. Hinghbinh Gih nyinhcaen gvancez lozsiz gij lohsienq, fuengcim, cwngcwz dangj cunghyangh mizgven gunnganq genjleh siujsoq minzczu ganbu haenx, laebbaenz le gizdieg vunzcaiz siujsoq minzczu ganbu bwhlaeng. Vih siujsoq minzczu caeuq gizdieg minzczu ginghci gwnzbiengz hwnghat daezhawj cujiez baujcanq gaenjaen rengzrd.

Cienzmienh hwnghat gyauyuz, veiswng, gohgi, vwnzva daengj saehnieb. It dwg daj bineix hainduj saedhengz gyauyuz daveican guh 2 bi haenx. Bued roengz 10.6 ik maenz ngaenz guh moq diegsingz yivu gyauyuz hagdangz 20 aen. Guhsat baijbouh diuzcingz singzyangh yivu gyauyuz hagdangz, 182 aen yivu gyauyuz hagdangz cinghab baenz 122 aen, baujlouz 100 boux hagseng doxhwnj diemjshag 44 aen, 100 boux hagseng doxroengz diemjshag 154 aen. Bued roengz 4.27 ik maenz ngaenz gveihva guh moq laeuzshag cunghoz, laeuz hagseng dozninz hagdangz yaeznyeig haenx, roengz-rengz hawj hawsingz caeuq lajmbanj, hagdangz caeuq hagdangz banhhag diuzgienh daihdaej ndaej daengz bingzyaenx. Gveihva guh moq yanghcin cungsim youwzyenz, cunh gaep youwzyenz 74 aen. Ngeih dwg mboujduenh laebcaez lajmbanj yihliuz

refuengz baujgen vangiloz, laeb ndei sinhhingz lajmbanj hozcoz yihliuz guenjieix yinhhengz gihci, gizdieg minzczu veiswng cingzgvang dauq-cawq cungj gajnde. Sam dwg haiguh gaem cingbinj, dajcauh minzczu daegsaek caeuq soengq heiq roengz-mbanj daengj fuengsik, hawj Banzgij, heiqsaegoeng, buzah vwnzva daengj ndawbiengz daegsaek vwnzva mboujduenh hwnghat guhhung.

Gyagiengz siujsoq minzczu dieg-comzyouq giekdaej sezsiz hwnjguh. Bi 2016, Hinghbinh Gih haenqrenz boiqhab saedhengz 5 diuz loh ngeih gaep gvaq yienh hwnjguh, gyavaig doicaenh roendoxlien yienh yangh, roensuijiz roenbwzyouz doeng mbanj, dajdongj roenloh daengj giekdaej sezsiz hanghmoeg hwnjguh, gungh raez daih'iek 1242.088 goengleix, gungh bued roengz 11.5 ik maenz ngaenz.

(Cough Lili/周丽丽)



Lozcwngz: Beixnuengx Duncuz Gvaq "Cietbya" Hoh Fungsou

罗城:侗族同胞闹“鱼节”庆丰收

11 nyied 11 hauh, beixnuengx Duncuz Lozcwngz Mulaujcz Swciyen Lungzan Cin Damungz Cunh Mbanjalwngj youq gyan naz gaeb bya. Ngoenzhaenx dwg liggaueq ndwencib ngoenz cibngeih, beixnuengx Duncuz aen mbanj neix banh conzdungj minzsuz gvaq "cietbya" hozdung moix bi gvaq mbat haenx, iucingj bouxhek caeuq vunzmbanj mbanj henzyawj daeuj camgya, ciengj bya loengh raemx, angqohoh fungsou, muengh bimoq fwn yinz rumz swnh, bibi haexliengz gwn lw. Ciuq cam rox, beixnuengx Duncuz aen mbanj neix gvaq "cietbya" gaenq miz 300 lai bi lizsij. Ndw doz dwg goengq vunzmbanj cingq doxcienj gaeb bya.

(Mungz Cwnghsw/蒙增师)

Fuconh Banh Minzczu Doxgiet Cinbu Cauxlaeb Haeuj Mbanjyauz Hozdung

富川举办民族团结进步创建进瑶乡活动

11 nyied 10 hauh, Fuconh Minzcunghgiz youq Sinhvaiz Yangh Dagingj Cunh banh "Fuconh minzczu doxgiet cinbu cauxlaeb haeuj Mbanjyauz" baenzdauq hozdung.

Baez hozdung neix haiguh siujsoq minzczu conzdungj diyzuz doxdax, vwnzyi comzyienj, minzczu cwngcwz senhconz gyauyuz daengj hozdung. Hozdung seiz, doenghgij diyzuz doxdax bau aendomq, sam vunz haizgieg raez daengj hozdung mizyinx haenx, ndaej daengz yienhciengz bouxyawj bek-

fwngz haenhndei. Gyoengq beixnuengx Yauzczu daj Mbanjyauz daeuj haenx baijyienj le gij vwnva gofoux Yauzczu gaeuqgeq, nyuenz miz haenx. Beixnuengx Yauzczu ciengq hwnj le gij go ndeidingq, diuq fouxyongraez Yauzczu, yung h cungj fuengsik vunzlai haenggyaez neix, cienzdap gij ciengzmienh saedcej nem gij siengj-muengh caeuq gouz saedcej gyaeu-ndei beksingq Yauzczu.

Baez minzczu doxgiet cinbu cauxlaeb hozdung neix, vih vunzlai

Mbanjyauz daiq daeuj gij minzczu cunghgyau cwngcwz cihsiz caeuq siujsoq minzczu vwnzva cihsiz mbouj caengz raen gvaq nyi gvaq haenx, gikfat gij yiedcingz vunzlai Mbanjyauz. Yinx ndaej vunzlai Yauzczu gak mbanj doxceng daeuj camgya, caenh' itbous gyagiengz gij yisiz gak cuz ganbu vunzlai doengzcae haengguh, comzgiet gij naengzliengh ndei minzczu doxgiet.

(Dwng Vangzyi/邓黄玉 Lij Lingz/李玲)

SIUSIK DINJ

简讯

● Gaenh geij bi neix, Bingzgoj Yen Daibingz Cin cungfaen leihyung giekgya "it saeh it yaeng" caizcwng ciengj-bouj ngaenzcienz youhvei cwngcwz, mboujduenh laeb ndei dieg siujsoq minzczu lajmbanj giek-daej sezsiz hwnjguh, gajnde lajmbanj giekdaej sezsiz vanz-ging, roengzrengz saedhengz dajdongj roenloh aenmbanj hwnjguh. Daengz seizneix, daengx cin 244 aen mbanj gaenq miz 178 aen mbanj doeng lohsuijiz.

(Vuz Anhginh)

● 11 nyied 7 hauh, Yinh-cwngz Yen youq yenveij dangjyau banh bi 2016 aen banbeizyin ganbu bouxcoz bouxcunghnien maenhndei siujsoq minzczu. Baez beizyin neix guh 6 ngoenz, daengx yienh miz 86 boux camgya beizyin. Beizyin geizgan, yenveij aen yienh neix iucingj lauxsae, gyaousou Laizbinh Si Dangjyau nem gij bumwnz lingjdauj caeuq lauxhangz miz saedguh gingniemh haenx daeuj hwnjdangz.

(Lanz Cunghcwngz)

● Mboengqneix, Ningzmingz Yen gak gihgvanh dangj-cujiez faenfaen haiguh "caiciz dangjyenz haeuj segih, vih vunzlai fugsah, gunghawj segih" hozdung, haeuj segih sijsaeq dingq gij sing gyoengq vunzdangdieg, gajgez hojnanz vunzlai, vaqgej ngaekngeu segih, gaenxmaenx camgya "sam bangfuz" nem "banggunz, banghag, bangcanz, banglaux, banghoj" daengj hozdung, camgya segih hwnjguh caeuq fugsah, doengzcae doidoengh segih huzndei hwnjguh.

(Cwng Cunghswng Vangz Fungcinh)

● Mboengqneix, Swcigih Minzvej, Swcigih Caizcwngdingh, Yinzminz Ngaenzhangz Namzningz Cungsim Cihhangz lienzhab fat roengz 《Gij Dunghcih Gvendaengz Dingh "Cibsam Haj" Geizgan Daengx Gih Minzmou Minzbij Giyez》, Denzdungh Yen miz 22 ranz minzmou giyez ndaej dingh baenz "cibsam haj" geizgan daengx gih minzczu mouyi giyez. Ciuq giekgya mizgven cwngcwz, yaek ndaej yiengjsouh minzmou youhvei cwngcwz.

(Veiz Swngfhaz)